

UNIVERZITET U SARAJEVU
ELEKTROTEHNIČKI FAKULTET U SARAJEVU
raspisuje
K O N K U R S
za izbor akademskog osoblja

1. NA ODSJEKU ZA ELEKTROENERGETIKU, u jedno od naučnonastavnih zvanja: docent, vanredni profesor ili redovni profesor, za užu naučnu oblast: "INDUSTRIJSKA ELEKTROENERGETIKA",
u radni odnos sa punim radnim vremenom..... 1 izvršilac

Ugovor o radu zaključuje se na period izbora u određeno zvanje.

UVJETI: Kandidati treba da ispunjavaju uvjete utvrđene Zakonom o visokom obrazovanju - prečišćeni tekst ("Službene novine Kantona Sarajevo" br. 22/10) i opštim aktima Elektrotehničkog fakulteta u Sarajevu:

- docent: naučni stepen doktora u datoj oblasti, najmanje tri naučna rada iz oblasti na koju kandidat konkuriše, objavljena u publikacijama koje prate relevantne baze podataka utvrđene na Fakultetu, pokazane nastavničke sposobnosti;
- vanredni profesor: proveden najmanje jedan izborni period u zvanju docenta, najmanje pet naučnih radova objavljenih u publikacijama koje prate relevantne baze podataka utvrđene za Fakultet, objavljena knjiga recenzirana od najmanje jednog recenzenta referentnog na međunarodnom nivou i originalni stručni uspjeh kao što je projekat, patent ili originalni metod, te mentorstvo najmanje jednog kandidata za steper drugog ciklusa odnosno mentorstvo ostvareno u postupku sticanja naučnog stepena magistra nauka po predbolonjskom procesu, sve nakon izbora u zvanju docenta;
- redovni profesor: proveden najmanje jedan izborni period u zvanju vanrednog profesora, najmanje dvije objavljene knjige recenzirane od najmanje jednog recenzenta referentnog na međunarodnom nivou, najmanje osam naučnih radova objavljenih u priznatim publikacijama koje prate relevantne baze podataka utvrđene za Fakultet, te mentorstvo najmanje po jednog kandidata za stepen drugog i trećeg ciklusa studija, odnosno mentorstvo ostvareno u postupku sticanja naučnog stepena magistra nauka i doktora nauka, po predbolonjskom procesu, sve nakon sticanja zvanja vanrednog profesora.

Svi naučni radovi, knjiga, projekt, patent ili originalni metod moraju biti iz oblasti za koju kandidat konkuriše.

Prilikom izbora u isto ili više zvanje uzimaju se u obzir samo objavljeni radovi, knjige i rezultati vlastitih istraživanja u primjeni, projekti te mentorstva nakon izvršenog posljednjeg izbora u zvanje.

Kandidati koji se prijavljuju na Konkurs obavezni su u svojoj prijavi naznačiti jedno od zvanja za koje se prijavljuju.

KANDIDATI UZ PRIJAVU TREBA DA PRILOŽE:

Kandidati za naučnonastavno zvanje: docent, vanredni profesor ili redovni profesor, prilažu

- Biografiju
- ovjerenu kopiju diplome o završenom elektrotehničkom fakultetu ili drugom srodnom tehničkom fakultetu
- ovjerenu kopiju diplome ili drugog dokumenta o stečenom naučnom stepenu doktora tehničkih nauka
- naučne radove iz oblasti na koju kandidat konkuriše objavljene u priznatim publikacijama koje prate relevantne baze podataka utvrđene za Fakultet, nakon posljednjeg izbor
- stručne radove iz oblasti na koju kandidat konkuriše
- objavljene knjige recenzirane od najmanje jednog recenzenta referentnog na međunarodnom nivou iz iz oblasti na koju kandidat konkuriše, nakon posljednjeg izbora
- potvrdu o provedenom najmanje jednom izbornom periodu u prethodnom zvanju;
- potvrdu o mentorstvu kandidatu drugog i trećeg ciklusa studija, odnosno kandidatu za sticanje naučnog stepena magistra i doktora nauka po predbolonjskom procesu, nakon posljednjeg izbora.

Prijava kandidata za određeno zvanje treba da sadrži najmanje dokumentaciju kojom se ispunjavaju uvjeti za izbor u zvanje na koje su konkurisali.

Kandidati koji su u inostranstvu stekli diplomu, prilažu nostrificiranu diplomu.

Dokumenta se dostavljaju u originalu ili u ovjerenoj kopiji.

Prijave se dostavljaju u pisanoj i (po mogućnosti) u elektronskoj verziji - CD.

Konkurs ostaje otvoren 15 dana od dana objavljivanja.

Prijave se podnose na adresu

ELEKTROTEHNIČKI FAKULTET U SARAJEVU
Zmaja od Bosne bb
Sarajevo

Nepotpune i neblagovremene prijave neće se razmatrati.

